

Tercera Carta de Juan

Kjibokwo ëre tara Juandë

Kjibokwo ëre sorë

Domer shäng kjłara ko Juan. Dënashko ga e Jesús oppingga. Jesús wolono, ga woshrra Sbörë iröng obi irgo ga Juan beno shäng Sbö tjłokwo łaga Jesús āska włeniyo shara. Kjibokwo ëre tarashko ga e tjłabłā tjan.

Domer shäng kjłara obi ko Gayo. Pjłara ga nopga ichara Juandë Jesús roy pjłú ľē ba kong. Gueniyo domer shäng kjłara eshko ko Diótrefes, e domer tjwłō ara włeniyo. E kjışhko ga nopga ichara Juandë ľi włokjre woydē ľłēme. E kjışhko ga kjibokwo ëre tara Juandë Gayo kong, ber shäng sjēk Diótrefes tjok włō. Gueniyo nopga ichara ľi włokjrara Gayorē wopjłú kuzong ga Juan beno shäng wopjłú ba tjok, ga woyde ga włokjre eni jek obi ľi tara ba kong.

¹Kjibokwo ëre taga tja bomi tjłapgarē.

Gayo, kjibokwo ëre ichēr jek bop kong. Pja bor kjłara, pja woydēr ara jłōkoyo.

²Pja bor kjłara. Miydēr pjłú ga pja jēk shäng pjłú Sbö tjok. Eni ga rokēr Sbö kong ga pja kjimte, bop doyo ber pjłú eni bako włō. ³Pja roy sōra bi pjeyoga kjone kjonerē bor kong. Kuror ga pja mār shäng Jesús go jłōkoyo, pja jēk shäng tjłokwo bek ľi go bakoe. E kjışhko ga tja wopjłú anmoyō.

⁴Roy kur ga bor wapga włeni jēk łōng tjłokwo bek ľi goshko ga tja wopjłú anmoyō.

⁵Pja bor kjłara. Tjłapga Jesús tjłokwo kragaga kjimtēp enido, pjeyoga miydēp ľłēm ēmdē ga kjimtēp bakoe. ⁶Epga kjimtorop sorē ľi łara łok Jesús tjłokwo kragaga łōng ľi kong. Epga āār eshko obishko ga kjimtos jek eni obi, woyde Sbörē sorē ľi eni. ⁷To łōng Jesucristo pak shāryē, kjimtara nopga Sbö miydē ľłēm włeniyo ľirē ľłēme. ⁸E kjışhko ga woyde ga bi pjeyoga eniyo tjwe bi shwoy ga włokjrēy łōng wopjłú, tjłokwo bek ľi shdār jek kēgong włō.

⁹Kjibokwo ichoror jek Jesús tjłokwo kragaga łōng ľi kong kwara. Gueniyo domer shäng kjłara eshko ko Diótrefes. Tjawa kolē woydē ľłēm, nopga obłē ichē ā kjışhko. ¹⁰Tjawa jyōyotke ara. Bi pjeyoga włokjre woydē ľłēm bakoe. Ēye omwłokjrōno ga iche tōn tjłokwo kragaga łōng ľi tjok ame. E kjışhko ga tja jek āār eshko ga włon kjłuwe.

¹¹Pja bor kjłara. Ĩp ga no oblě lłebo owa shäryě ga pja omshäryě eni lłeme. Lłebo pjłú shäryopdē eröe. Ėye lłebo pjłú shäryě ga e Sbö ĩ. Ėye lłebo owa shäryě ga Sbö miyde lłeme. ¹²Domer shäng kjłara ko Demetrio. Era pjłúe ĩe nopga uunkongdē eni. Tjawa omłē eni bakoe. Miydēp pjłú ga tjawa tjlē beke. Ga miydēr pjłú ga tjłokwo ĩe shäng ĩi, e beke.

Kjibokwo pjirzłong

¹³Tja lłebo ĩē woydē ara bop kong, gueniyo tēr woydē kjibokwo go lłeme. ¹⁴Pja ĩn woydē wop ä, shji łan ěng tjok wło.

¹⁵Rokēr Sbö kong ga pja ie ber sōk wlēpe.

Bop pjeyoga łōng jūshko ĩi, «¿Pja yonde?» ĩe łok bop kong.

Bop pjeyoga łōng eshko bop tjok ĩi, «¿Yonde?» ĩēp kjłara kjłara kong bakoe.